

li

(...)

Testament de alexandre malbert

Au nom de dieu soyt amen saichent tous
presans et advenir que ce()jour()huy dixiesme
du moys de **may mil vc lxxix** en la parroisse
de **manhanac / bordes des jacous et maison**
du testateur bas nomme au diocese de mo(n)t(aub)an
et seneschauce de th(ou)l(ous)e regnant tres c(h)retien
prince henry par la grace de dieu roy de france
et de pologne en presances de moy not(aire) soubz(sig)ne
et les tesmoins bas nommes personnellem(en)t
estably alexandre malbert labo(u)re(ur) dud(it) lieu
de manhanac lequel estant gisant dans
son lict a une salle haulte de sad(ite) maison detenu
d()aucune maladie corporelle toutesfois bien
voyant ouyssant parlant [co]gnoissant et
estant en ses bon sens et parfaicte memoyre
considerant qu()il n()y a ~~plus~~ chose plus
certaine que la mort ne plus incertaine que
l()heure d()icelle a ceste cause ~~a faict et~~
de son bon gre et()bonne volonte a faict et
ordonne son testament nuncupatif et derniere
volunte en la forme et maniere suyvens
en premier lieu led(it) alexandre malbert testate(ur)
a faict le signe de la croix disant in nomine
patris filii et()spiritus()sancti amen a recommande
son ame a dieu le create(ur) a()la glorieuse vierge
marie et a()tous les benoistz saintz et saintes
de paradis et a voulu et()veult led(it) testate(ur) que

.....
quant son ame sera separee de son corps sond(it)
corps soyt ensevely au **cymitiere de()l()egl(is)e de**
manhanac et aux tumbes de ses parens predecess(eu)rs
et que ses honneurs de sepulture novene et
cap d()an luy soyent faictz selon **l()ancienne [cou]stume**
de l()egl(is)e catholicque apostolicque romaine et que
a ch(ac)un jours desd(ites) ~~jeep~~ sepulture novene et
cap d()an soyt / appellees **douze p(rest)bres** qui seront
tenuz dire messe et prier dieu po(ur) l()ame
dud(it) testate(ur) et au(tr)es ses parens trespassez et
qu()il leur soyt paye a ch(ac)un deux solz six d(eniers) t(ournoi)z
et que ausd(its) trois jours soyt faicte offerte de
pain vin et()lumiere / item a donne et legue

led(it) testate(ur) a **bernarde malberte**]sa[pupille
sa filhe legitime et naturelle la somme de]seze[
]esculz ~~deux tiers~~ trente trois esculz ung tiers
d()escu d()or sol, ung lict garny de couete coyssin
flassade de layne quatre linceulx neuf bons
et suffizans deux robes nupcialz l()une drap
noir l()au(tr)e raze drap de paris pour son dot
et verquiere payable la moytie de lad(ite)
somme lors que lad(ite) malberte sera colouquee
en mariage et()le jo(u)r de ses nopces et l()au(tr)e
moytie dans deux annees apres scavoir a
ch(ac)une annee huict esculx ung tiers d()escu d()or sol
et lesd(its) lict flassade linceulx et robes le
jo(u)r de ses nopces le tout par son h(eriti)er bas
nomme et avec icelle somme et choses susd(ites)
l()a faicte et()instituee son h(eriti)ere]~~bas nommee~~[
particuliere et qu()elle ne puyssie rien
plus demander en ses biens et()heredite a()son
h(eriti)er bas nomme et cependant icell(ui)

.....

lii

malbert testate(ur) veult que sad(ite) filhe soyt
no(u)rrie entretenue et alimentee sur ses biens
jusques a()ce qu()elle soyt colloquee en mariage
item a donne et()legue donne et()legue led(it)
malbert testate(ur) a **jehanne pendaries sa femme**
la somme de treze esculz ung tiers d()escu d()or sol
t(ournoi)z outre le douaire qu()elle luy a porte que
veult luy estre le tout paye au cas elle se
viendra a remarier et avec icelle somme de
treze esculz ung tiers d()escu d()or sol l()a faicte
et instituee son herictiere particuliere et qu()elle
ne puyssie rien plus demander a son h(eriti)er bas
nomme item a donne et()legue donne et
legue led(it) testate(ur) a **lizote herissonne sa niepce**
]la[la somme de troys esculz ung tiers qu()il
veult luy estre payee lors qu()elle [ser]a colouquee
en mariage et()le jour de ses nopces en recompan(ce)
des agreables services qu()il a receuz et espere
recevoir d()elle et avec icelle somme de troys
esculz ung tiers veult qu()elle ne puyssie rien
plus demander en ses biens et()heredite a son
h(eriti)er bas nomme / item a donne et()legue donne
et legue led(it) testate(ur) a **catherine denyse filhe**
de laurens denys de vill(emu)r **niepce** dud(it) testate(ur) po(u)r
aulmosne]d[pie et agreables services qu()il a receuz
d()elle la somme de deux esculz d()or sol qu()il
veult luy estre payee lors qu()elle sera colouquee
en mariage et le jo(u)r de ses nopces / et]led[

avec icelle somme de deux esculz d()or sol l()a faicte
et instituee son herictiere particuliere et qu()elle
ne puyssse rien plus demander en ses biens et
heredite a son h(eriti)er bas nomme et en tous

.....

et ch(a)ungs ses au(tr)es biens meubles]~~m~~eu[et()immeubles
noms droictz voix et actions quelconques
led(it)]t~~est~~[alexandre malbert testate(ur) a faict
et institue son h(eriti)er g(e)n(er)al et()universel et l()a
nomme de sa propre bouche **pierre malbert**
son filz legitime et naturel et()de()lad(ite) pendaries
po(u)r desd(its) biens f(air)e et()disposer [par] led(it) pierre
malbert a ses plaisirs et()voluntes tant a()la
vye que a()la mort a()la()charge de f(air)e et
ac(c)omplir le [con]tenu en son p(rese)nt testament et
payer les legatz en icell(ui) [con]tenuz bien a
voulu et ordonne led(it) testate(ur) que au cas led(it)
pierre malbert sond(it) filz et()h(eriti)er universel
viendroyt a deceder sans fruict de son loyal
mariage ou sans f(air)e testament sond(it) bien deviegne
et a[par]tienne a()lad(ite) bernarde malbert sad(ite) filhe
po(u)r en f(air)e et disposer a ses plaisirs et()voluntes
et au()cas icelle bernard malbert sad(ite)
filhe viendroyt a deceder apres sond(it) h(eriti)er
sans fruict de son loyal mariage ou sans
f(air)e testament led(it) testate(ur) a()voulu et ordonne
que lesd(its) biens deviegne et a[par]tiennent a **guillalme**
et bernard malbert ses s(o)eurs sauf le bien
qu()il a [a~~u~~d[assiz au **lieu de vilaujou**
qu()il veult que a[par]tiegne a()lad(ite) jehanne
pendaries sad(ite) femme led(it) cas advenant ou(tr)e
le susd(it) legat a elle faict de]seze[]eseuz[
treze esculz ung tiers d()escu d()or sol et douaire
[par] elle [com]me dict estre aporte / et la somme
de six esculz deux tiers d()escu d()or sol qu()il

.....

liii

donne et legue a()la susd(ite) lizete herissonne
sad(ite) niepce oultre le]d~~ou~~a~~ir~~[legat susd(it) de
trois esculz ung tiers eslisant led(it) testateur
tuteurs et administrateurs de la [per]sonne et()biens desd(its)
pierre et bernarde malberte sesd(its) enfans / lad(ite) jehanne
pendaries sad(ite) femme **pierre martin** et **jehan pendaries**
labo(u)reurs de manhanac et les filholz ses beau freres
lesquelz il a()pries de ac(c)epter lad(ite) charge
demeurant toujours lad(ite) jehanne pendaries sad(ite)
femme tant qu()elle]t~~i~~end[demeurera a soy remarier

maistresse et administraresse des personnes et
biens de sesd(its) enfans a la charge qu()elle se
gouvernera [par] l()advis et [con]seil desd(its) martin
et pendaries lesquelz aussi ne pourront
rien f(air)e sans le sien et [con]sentement d()elle
a()lad(ite) charge et administra(ti)on de tutelle et
ce dessus led(it) alexandre malbert testate(ur)
a dict et declaire dit et declaire
q(u'i)l veult que soyt son der(nier) testament
nuncupatif et der(nie)re volunte cassans
revocans et annullans tous au(tr)es testamens
codicilles ~~donn~~ ou donna(ti)ons si point il
en a de faictz ou faictes le temps passe
excepte le presant son testament q(u'i)l
veult que demeure en son entier et efficasse
et valle(ur) et veult que valhe et soyt
valable [par] droict de testament nuncupatif
et s(i)l ne valoyt ou pouvoyt valoir [par]
droict de testament nuncupatif veult
que vailhe et soyt valable par droict de
codicille et s()il ne valoit ou pouvoyt valoir

.....

par droict de codicille veult que valhe et
soyt valable par donna(ti)on faicte a cause de
mort et [par] tout au(tr)e droict uz stil et meure
forme qu()il pourra mieulx et plus valoir
requerant et priant les tesmoingz bas
nommes le(ut) en souvenir et luy en preter
bon et loyal tesmoniqge de verite en temps
et lieu quant en seront requis et a
moy not(aire) soubz(sig)ne luy en retenir acte
et instrum(ent) ce qu'ay faict en presances
de m(aîtr)e jehan amyel p(rest)bre du lieu du terme
anthoine timbal chaussetier de vill(emu)r
anth(oin)e romanhac pierre martin pierre
brunet jehan petit / bernard malbert
labo(u)reurs de manhanac jehan pendaries
labo(u)re(ur) des filholz habitans tesmoingz
a()ce appellees et requis lesd(its) amyel et
timbal se sont signes les au(tr)es ont
dict ne scavoir signer et()de moy jehan
richard not(aire) royal dud(it) vill(emu)r requis soubz(sig)ne

A. Tynbal, temoyen

Richard, not(aire) r(o)yal